

Sra. MArguerita Wever

Museo Archeologico lo haci un operacion di prueba diadomingo proximo


Tin 300 carchi disponibel pa esnan cu kier bishita e museo nobo

ORANJESTAD – Museo Archeologico despues di tabata sera pa varios luna, finalmente nan ta prepara pa expone e obranan pre-ceramico y ceramico y pre-historico di pais Aruba. e museo actualmente ta ubica den un edificio completamente nobo den Schelpstraat y ta conta cu un di e salanan di exposicion di mas moderno den e region di Caribe.

Ayera e ehecutivonan di



exterior, e museo di Aruba aki ta e prome museo cu ta conta cu e tecnologia nan di mas moderno pa expone artefactonan cu a keda haya di e periodonan di antaño. Pesei tur hende ta keda invita pa bishita e exposicion aki, esnan cu haya e oportunidad diadomingo awor y e otronan den transcurso di e dianan lo haya mas informacion, riba e forma cone museo lo bai funciona. E intencion ta



Museo Archeologico a organisa un recorrido pa prensa den instalacionnan di Museo Archeologico, pa asina tur e medionan por a haya un bista di e exposicion nobo y traspasa e experiencia pa comunidad, pa asina henter pueblo di Aruba por bishita e exposicion aki.

Diadomingo proximo Museo Archeologico Arubano ta organisando un “open dag” pa 300 hende, pa asina museo por haci un prueba con e museo ta funciona realmente cu bishitante. E “open dag” aki ta habri pa tur hende. Pa por bishita e museo mester pasa na Museo Archeologico mes, pa busca un carchi di entrada, ya cu e directiva di e museo kier pa e cosnan cana den un forma organisa y pesei mes ta pone un cantidad limita di entrada pa asina percura pa tur cos cana bon, pesei

ta recomendabel na tur cu kier bai, pa pasa diahuebs y diabierna na oficina di Museo Archeologico entre ora di oficina, pa asina por haya un carchi di entrada y ta suplica pa cada persona no tuma mas cu 5 carchi, pa asina diferente famia, di diferente bario por haya un chens.

Ora cu drenta e sala di exposicion mes cu ta situa den e edificio Ecury bieu, ta haya un bista di e storia di e edificio, pero no solamente esei, ta mira diferente potret y obranan con a restaura e cas. A mostra e condicion di e cas y tambe a mostra con e edificio a bira awe, cu ta un edificio cu a keda mantene su caracteristicanan di antaño, pero cu un toke moderno tambe conhuntamente. Pasando pa e di dos sala ya bo ta drenta mas den e era

pre-ceramico, unda cu e Museo a laga elabora replica di obranan cu a keda descubri pa e archeologonan Arubano mes, pa asina e bishitantenan por haya un sentimiento y mishi cu e materialnan cu a haya, naturalmente no esun original, pero e replica ya cu e original ta hopi delicado.

E museo aki ta uno hopi interactivo y tin diferente caminda cu e bishitantenan por participa activamente den e exposicion. Tin preguntanan ta wordo haci riba diferente obheto y e bishitante mes por test su cualidadnan y conocimiento riba e historia di nos pais, cone indiannan a biba aki nan y un sin fin di otro pregunta mas.

E exposicion ta conta tambe cu un aldea di Indian, esaki ta pa ilustra parti di e forma con indiannan tabata biba den pasado riba nos isla. Den e exposicion tambe ta exponi, cu tabata ser uza pa caceria,

tambe monedanan cuu tabata ser uza, diferente obheto cu a lgora scapa di e tempo di Indian nan aki riba nos isla. E exposicion aki ta algo unico y tur hende cu a yega di bishita un museo den exterior no por kere loke nan lo mira na momento cu nan bishita e museo aki. igualmente ora bo bishita un museo den

pa e apertura tuma luga dia 26 di juli proximo, durante e encuentronan di deportivo di reino, pero prome cu esei, lo bai tin algun dia habri pa asina tur hende por bishita e museo aki, cu sigur lo forma parti di e recorrido di cada ciudadano y di e turistanan cu lo bishita nos isla.

